

DISSERTATIO ACADEMICA

IN QVA

CHIRVURGIAE NOVAE

ADVMBRATIO SIVE DELINEATIO
SISTITVR

QVAM

SVB PRAESIDIO

LAVRENTII HEISTERI

MED. DOCT. ANATOM. CHIRVRG. ET THEO-
RET. PROFESS. PVBL. ET H. T. RECTOR.
VNIVERSIT. MAGNIF.

*IN CIRCVLO ACADEMICO DEFENDENDAM
SVSCIPIET*

HENRICVS SONNTAGIVS
ALTORFINVS.

D. XXVII. OCTOBR. MDCCXIV.

ALTORFI NORIC.

TYPIS IODOCI GVILIELMI KOHLESI, ACAD. TYPOGR.

PRAEFATIO.

Quandoquidem meum officium est, docere Chirurgiam, utilissimam illam atque praestantissimam Medicinae partem, & Philatri haecenus me iam aliquoties ad scholas sive collegia, ut vocant, Chirurgica aperienda compellarunt, & denuo nunc sollicitarunt; lubens quidem nunquam non ipsorum desideriis & commodis gratificatus sum. Sed nihil profecto mihi semper plus radii excitavit, quam idonei Autoris, quem commode in praelectionibus ac demonstrationibus meis sequi potuissem, defectus; quia plerumque Scriptores Chirurgici aut nimis prolixi, maiorisve molis, quam ut sine molestia a studiosis circumferri queant: aut nimis breves sunt, & non omnia continent, quorum cognitione ac notitia tyrones Medicina imbuti debent, si totius Chirurgiae complexum, sicuti par est, nosse ac doceri desiderant. Nam nonnulli Autores solum operationes Chirurgicas describunt. Alii non nisi de vulneribus, ulceribus, fracturis, luxationibus & tumoribus, aut una solum Chirurgia parte speciali agunt. Quidam fasciarum preparationem atque applicationem negligunt. Recentiorum, plerique, quia vernaculis linguis, Gallica, Germanica, Italica, Belgica &c. in collegiis Academicis apud nos non usitatis, scripserunt, aut incongruis in ratiocinando principiis usi sunt, desiderio meo non satis apti existunt. Nec exercitationibus academicis magis idonei sunt scriptores veteres: nam, etiamsi lingua Romana sua scripta nobis reliquerint, tamen vel ob defectum eorum in bibliopoliis, vel ob theoriā nimis ineptam, Galenicis plerumque principiis superstructam; vel denique ac potissimum, quia & in praxi, ob innumera recentiorum inventa, emendationes atque observationes, nimis manca sunt, ut in explicatione nimis supplenda & emendanda, imo saepe novae prorsus descriptiones surroganda essent, quod docentibus & discen-
tibus nimis incommodum foret, unde opus valde inconcinnum.

atque inordinatum emergeret. Igitur ob defectus modo recensitos, ut studiosis, & praesertim Auditoribus meis, gratum praestem officium, mihique ipsi commodam recitationum normam proponerem, aptum totius Chirurgia compendium concinnare decrevi, in quo, quicquid boni ex veterum recentiorumque monumentis, ac propria observatione in castris, magnis nosocomiis & urbibus (ubi multum tempus contrivi,) collegi, nervose ac perspicue, si Deus vires concedet, delineabo, insimul operam daturus, ut, quantum fieri potest, nihil supervacanei ponatur, nec quicquam scitu tyronibus chirurgicis necessarium omittatur. Et hoc pra multis aliis me praestare posse, varias ob rationes existimo, & 1) quidem, quia non ex lectione tantum, librorum, Latino, Germanico, Gallico, Belgico, Anglico Italicoque sermone conscriptorum, sed & ex usu atque experientia scribo, qui non solum variis optimis Gallorum, Anglorum, Belgarum & Germanorum Chirurgis frequenter adstiti, sed & ipse omnis generis operationes Chirurgicas, ne difficillimis exceptis, perfeci, & adhuc, quoties occasio fert, suscipio; 2) quia amplo satis optimorum instrumentorum Chirurgicorum apparatu, ad quasunque operationes peragendas, instructus sum. Praterca 3) quia & in Anatomie, Chirurgia optimo fundamento, sub Anatomicorum Principe Celeb. RVYSCHIO, per aliquot annos desudavi, laboremque hunc etiam hucusque continuando, talem corporis humani cognitionem mihi comparare studui, qualis Chirurgus homo necessaria & forte sufficiens est: non negligendo interim, quae & ex Physiologicis, Pathologicis, aliisque Medicina partibus ad Chirurgia perfectionem aliquid conferre possunt. Ut vero hunc laborem, profecto arduum, susciperem, non inanis scribendi pruritus, (quod occupationes meae non permittunt) sed necessitas atque utilitas publica autores fuerunt: nam Chirurgica artis tanta est utilitas, tanta necessitas, tantusque cum Medicina nexus, ut illi, qui eam non probe callent, nomen veri & perfecti Medici, testibus Viris in Medicina principibus, non mereantur. Quid enim ha

virī de talibus Medicis sentiant, qui Chirurgiam ignorant, multis testimoniis comprobari facile posset; sed sufficiat unum alterumve in medium proferre, non ab exteris, sed a praestantissimis Germania Medicis petitum, ut Germani nostri ad eius studium magis incitentur atque inflammentur, quam hactenus factum est, & ne tam nobilis ac necessaria Medicina pars solis Chirurgis vulgaribus inexpertis, (barbitonsoribus potius dicendis) ac balneatoribus, hominibus plerumque rudibus & imperitis, committatur aut relinquatur, a) qui illotas manus in hac sacra Medicina temere cum multorum damno immittunt, qui nulla elegantiori doctrina, nulla reliquarum artis partium peritia instructi, totam Chirurgiam tanquam servilem aut illiberalem artem mechanicam discunt, atque empyrice, sine theoria aut praeceptorum fundamentalium sufficienti cognitione exercent, unde profecto innumera mala oriri necesse est. Chirurgiam partem esse Medicinae, nemo ibit inficias: Ergo qui Chirurgiam ignorat, non novit integram Medicinam, adeoque non est perfectus Medicus. Aesculapius, Podalirius, Machaon, Hippocrates, Galenus, Celsus, alique veteres Medicinae Proceres, nullum divortium inter Medicinam & Chirurgiam admittebant, sed sub unica, non sub distincta aut duplici arte exercebant: Ipsi enim venas secabant, vulnera obligabant, fracturas & luxationes restituebant, aliisque Chirurgicis affectibus medebantur, quod & recentioribus temporibus Vesalius, Fallopius, Marianus Sanctus, Varolius, Aquapendens, M. A. Severinus, Hildanus, Scultetus, Rolincius, Nuckius, Solingen, Bidlous, Ruyschius, Groenevelt, Cyprianus, Bohnius, Muraltus, Wepferus, Brunnerus, Ravius, Leusdenius, Lavaterus alique fecerunt, & adhuc hodie faciunt. Sed ut testimonia laudata nunc afferamus, audiamus, quæso, primo inclytum illud Germania decus, Hermannum CONRINGIUM, de Medicis Chirurgiam ignorantibus ita loquentem: b)

a) Conf. quæ hunc in finem dicta sunt in Tractat. nostro de Cataracta §. XCV.

b) Introduct. in Art. Med. cap. 1. §. XIV.

Quum Medico integra humani corporis sanitas sive conservanda sive restituenda proposita sit; utique ab illo requiri ur, ut non unius tantum partis, sed omnino omnium cognitionem ad curationem recte instituendam habeat: a qua Chirurgia separari recte non potest. *Et paulo post*: Fatemur, ab Arabum temporibus Chirurgiæ studium a Medica arte separatum fuisse & divisum; unde etiam est, quod illos, qui Medici titulo laudantur, & artem cum dignitate faciunt, rarius videamus Chirurgica didicisse, sed potius sæpenumero ea contemnere atque despicere. Quicquid vero sit, & quicquid nobis hac in parte alii contradicant, revera ille, qui artem Medicam proficitur, quique adeo perfectus Medicus audire cupit, necessum habet omnes eius partes tenere. *Deinde doctissimus LAVRENERGIUS Partic. Æsculap. cap. 9. ait*: Medici utuntur famulicio Chirurgorum: interim oportet eos, si viri esse volunt, non nescire easdem illas operas, ut, quando usus postulat, aut res, solertes se dare queant. *Ast ut multos alios mortuos taceamus, audiamus solum adhuc illustrem BOHNIUM, Medicum ac Chirurgum nostra tempestate excellentissimum, qui in egregio suo tractatu de Officio Medici duplici c) nervose, vere ac sapienter ita inter alia scribit*: Perinde ac nullum membrum a corpore, cuius pars integralis est, sine huius mutilatione ac deturbatione avellitur, & aliarum artium instrumenta ab iis non, nisi inepte separantur: ita Chirurgia a Medicina & Medico ne conceptu quidem secerni valet, & Medicum verum seu perfectum se gerere minime poterit, qui integram curandorum humani corporis morborum cognitionem sibi non acquisiverit. *Deinde pag. 484: Medici, inquit, si Chirurgiam colere negligant; iniurii fiunt in artem suam, instrumentum efficacissimum ab hac separando, eaque ratione generi humano evidentissime præiudicant. Et pag. 485: Errore atque abusu valde culpabili nobilissima hæc Medicinæ pars per totam fere Germaniam barbiconsoribus & balneatoribus concedita deprehenditur, eamque callere dedignantur Medici, aut*

c) Cap. XXII. pag. 479.

desidiosus, aut delicatulus nimis. *Ceterum adhuc magna pars huius capituli, magna sapientia a laudatissimo viro conscripti, a vobis transcribenda esset, si omnia huc facientia, & quasi e tripode polata hic proferre velimus: verum brevitatis causa rogo omnes arti Asclepiadeæ addictos, ut ipsi illud diligenter legant atque relegant. Nos vero iam transimus ad dissertationem nostram, in qua generalem Chirurgiæ novæ adumbrationem sive delineationem exhibebimus, eosque, qui aliquid boni nos monere possunt, ut publicæ utilitatis causa hoc faciant, humanissime rogamus.*

PROLEGOMENA CHIRURGIAE.

De Chirurgiæ constitutione, ortu, progressu, Autoribus, divisione, instrumentis, aliisque requisitis generalibus.

I.

Totius Medicinæ finis & Medicorum præcipua intentio est morbos corporis humani vel prævenire, vel sanare. Hæc ab antiquissimis temporibus triplici auxiliorum genere, Diætâ scilicet, Pharmacia ac Chirurgia, tanquam tribus Medicinæ adminiculis inseparabilibus, præstari debere, ratio atque experientia docuerunt. Cum enim intentio Medici diætâ ac Pharmacia semper obtineri nequeat, sed sæpe Chirurgia indigeat, patet verum Medicum hac Medicinæ parte carere non posse, & eius scientiam ei summe esse necessariam, qui boni & perfecti Medici nomen aliquando rite tueri satagit.

I I. Est autem Chirurgia illa pars Medicinæ practicæ, quæ manuum & instrumentorum ope sanitatem præsentem conferre vel amissam restituere docet. Vocabulum Chirurgiæ Græcam habet originem; nam χεῖρ manum, ἔργον opus significat, quasi dicas τὸ ἐργον τῆς χειρὸς, manuum opus, & qui hodie in Sanitatis cura ita agit vel operatur, Chirurgus appellatur.

III. Finis

III. Finis Chirurgia idem est ac totius Medicinæ, nimirum Sanitatis præsentis conservatio, & amissæ restitutio, hoc est morbi sanatio. Quid vero sanitas, quid morbus, quid sanatio, ex Institutionibus Medicis nota sunt.

IV. Objectum eius est corpus humanum vivens, sanum & ægrum, non solum partes externæ, sed & internæ, ad quos manibus & instrumentis, ob finem prædictum, pervenire possumus.

V. Media quibus ille finis acquiritur, sunt manus & instrumenta, ut si Chirurgus os luxatum vel fractum restituit, venam phlebotomo pertundit, abscessum scalpello aperit &c. Atamen ut felicius suo munere fungatur, requiritur simul, quicquid alii contradicant, conveniens diætæ, & idonea medicamenta. Ex quibus iterum necessarius & inseparabilis Chirurgiæ cum reliqua Medicina nexus intelligitur, eam enim iam non nisi melioris doctrinæ gratia seorsim tractare suscipimus.

VI. Ortum, progressum, incrementum & fata Chirurgia habuit eadem fere ac reliqua Medicina; imo quod ad ortum attinet, Chirurgiam Medicinam antiquiorem, citiusque excultam fuisse, ac generi humano cœvam esse, ratio evincit, & historia confirmat. Nam primis seculis ob sobriam hominum vitam, victum simplicem, corporisque innatum robur, morbos internos haud adeo frequentes fuisse externis verisimile est, ideoque internis remediis minus indiguerunt. Externos vero morbos, qui manuum opem requirunt, vix magis evitare potuerunt, quam nos hodie. Si enim consideramus iniurias externas, (quibus sicuti nos obnoxii erant) ut vim corporum irruentium, vulnera, contusiones, fracturas, luxationes, lapsus, percussiones, ictus, ambustiones &c. quæ procul dubio sæpe facta sunt in ædificando, metallis e cryptis terræ eruendis, separandis, artificiose tractandis, exemplo Tubalcaini, qui iam fila ænea pro instrumentis Musicis ducere noverat, veritas asserti nostri sponte elucescet. Taceo iam conflictus & bella iam

ante diluvium gesta , unde necessario omnis generis vulnera , l  siones , & dolores excitata ; ad qu   sananda , & speciatim ad festucas , aliave extranea e corpore extrahenda , ad vulnera deliganda , membra fracta & distorta restituenda , combustiones aliosve dolores leniendos , manuum auxilium naturali instinctu adhibuerunt , iuvantia ac nocentia observarunt , annotarunt , & sic prima Chirurgi   rudis fundamenta posuerunt.

VII. Deinde a *Chaldeis*, *Babyloniis*, *Magis*, *Arabibus* atque *Aegyptiis* h  c accuratius omnia exculta & ad *Gr  cos* propagata fuerunt , sicut histori   prisc   monumenta docent. Hi postea pr   aliis gentibus Chirurgiam magna diligentia coluerunt , & inter hos inprimis celebrantur *Chiron Centaurus* , *Achilles* , *Apollo* eiusque filius *Aesculapius* sive *Asclepius* , ambo ob sanandi peritiam in Deorum numerum relati. Huius ultimi dein filii *Machaon* & *Podalirius* , exercitum Gr  corum in bello Troiano secuti , Chirurgiam magna laude , *Homero* teste , exercuerunt. Tandem *Hippocrates Cous* , ex sera horum posteritate oriundus , scientia anatomica egregioque iudicio instructus , veteris Chirurgi   monumenta non solum collegit , sed & emendata atque amplificata scriptis nobis reliquit. H  c deinde *Celsus* , Latinarum Medicorum Princeps , *Galenus* , *Paulus Aegineta* , *A  tius* , *Oribasius* aliique magis magisque exornarunt atque auxerunt. Et sic h  c ars ab Arabibus & Aegyptiis ad Gr  cos , a Gr  cis ad Romanos aliasque gentes transmigravit.

VIII. Posth  c per plura secula barbara nullum fere incrementum cepit Chirurgia , sicuti ali   artes ac scienti   , donec tandem seculo XIV & postea tempore instaurationis bonarum literarum varii in Europa surrexerunt egregii viri , qui Anatomicen ac simul Chirurgiam maiori industria colere incesperunt , insimulque ad multo maiorem perfectionem redegerunt. Et inter hos quamplurimos pr  cipue laudem meruerunt *Guido de Cauliaco* , *Ioh. de Vigo* , *Berengarius* , *Vidus Vidius* , *Varolius* , *Arc  us* , *Arantius* , *Botallus* , *Fallop  us* , *Ingrassias* , *Tagliacotius* ,

Scacchus, Andreas a Cruce, Gourmelinus, Tagaultius, Rossetus, Paræus, Riolanus, Guillemæus, Paracelsus, Bartischius, Ioh. Langius, Fuchsius, Vesalius, Forestus, Fienus, Autores in Thesauro Chirurgiæ Vffenbachii, Scriptores de Chirurgia optimi a Gesnero editi, & alii.

IX. Donec tandem superiori & hocce seculo cum incremento Anatomes & Méchanices Chirurgia quoque exactiori morborum & caussarum morbificarum cognitione alius surrexit, indiesque accuratioribus instrumentis & encheirilibus aucta crevit, atque ad hocce fastigium, in quo nunc conspicitur, a variis Autoribus elevata est. Inter hos autem innumeros, *qui integram Chirurgiam vel saltem eius maximam partem ediderunt*, reliquis palmam præcipiunt Aquapendens, M. A. Severinus, Hildanus, Chirurgorum omnium facile Princeps, Scultetus, Felix Würtz, Iessenius, Barbette, Hornius, Solingen, Nuckius, Doëus, Munnicks, Iungken, Massierus, Muraltus, Purmann, Le Clerc, de la Vauguion, Verduc, Charriere, Dionis Palfyn, Gaukes, Wisemann.

X. Ex Scriptoribus, *qui de specialibus Chirurgia partibus*, imo & specialissimis vel seorsim, vel saltem accuratius egerunt, iam quoque optimos indicare utile arbitramur. Et in specie de *Operationibus Chirurgicis* præ cæteris diligenter legi merentur Celsus, Paulus Aegineta, Paræus, Hildanus, ab Aquapendente. Hornius, Barbette, Solingen, Nuckius, Verduc, de la Vauguion, de Leauson, Charriere, Iungken, Purmann, Le Clerc, Dionis, Palfyn. *De Operationum Chirurgicarum quarundam ineptitudine* Bohn. de Off. Med. dupl. Part. I. cap. XXII.

XI. De *Vulneribus*, Arcæus, Tagaultius, Paræus, ab Aquapendente, Glandorpheus, Gelmann, Vauguion, Le Clerc, Bellostii, Chirurgus Nosocomicus, *Chirurgien d'Hopital*, docens methodum iucundam & facilem omnis generis vulnera sanandi. De *Vulneribus capitis* vid. infra de fracturis cranii. De *pectoris vulne*.

vulneribus, Fumanellus, Pechlinus. *De oculorum vulneribus*, Fallopius, Ioh. Langius in Epist. *De vulneribus sclopetorum*, Plazzonus, Maggius, Alphonfus Ferrius, Paræus, Guillemeau, Fallopius, Hildanus, Bötallus, Verduc, Vauguion, Charriere, Purmann. *De extraneis e vulneribus eximendis*, Bidloo in Exercitationibus. *De turundarum abusu in vulneribus*, Cæsar Magatus, Belloste. *De vulneribus raro obligandis*, Cæsar Magatus. *Observationes de vulneribus* Belloste, Schvvarzius, Germanice. *De vulnere renunciatione & lethali*, Bernhardus Suevus, Ammann, Bohnius, Valentini. *Ars faciendi relationes Chirurgicas*. Gallice. *De vulneribus sine ore exsugendis*, Anel Gallice.

XII. *De Ulceribus*, Tagaultius, Bologninus, Fallopius, Aquapendens, Verduc, Le Clerc. *De ulceribus & fistulis urethrae*, Marchettis.

XIII. *De Luxationibus & fracturis*, Paræus, Hildanus, Guillemeau, Aquapendens, Verduc in peculiari tractatu de luxationibus & fracturis, Gallice. Le Clerc in Osteologia. Petit *Ars curandi morbos ossium*, Gallice. Palsyn Belgice.

XIV. *De vulneribus & fracturis cranii*, Hippocrates, Celsus, Marianus Sanctus, Petrus Pavy, Iul. Cæsar Arantius, Berengarius Carpus de fractura cranii, Miller de effractura cranii, Schultze verfesten Kopff Belgice & Germanice.

XV. *De Tumoribus* Philippus Ingrassias, Fallopius, M. A. Severinus in aureo libro de Recondita abscessuum natura. Schellhammer, Verduc, Paul. Bernh. Calvus, Italus. *De Meliceris*, Hildanus, Sebizio. *De atheromatibus & steatomatibus*, Coretus, Ioh. Langius, Elsholtius. *De carbunculo & bubone pericraniali*, Fallopius, Gemma. *De strumis*, Andreas Laurentius, Ioh. Langius, Browne Anglice.

XVI. *Chirurgiam Curtorum scripsit* Tagliacotius.

XVII. *De Instrumentis Chirurgicis* vid. Andreas a Cruce, Paræus, Hildanus, Guillemeau, Aquapendens, Scultetus, Solingen, Dionis. *De instrumentorum quorundam apparatu incongruo & superfluo*, Bohn loco supra citato.

XVIII. *De Fasciis Chirurgicis*, Galenus, Vido Vidio interprete, cum figuris. Verduc tractatus de Fasciis, Gallice. Solingen, Vauguion in fine Chirurgiæ. Omnium optime vero Le Clerc in Apparatu commodo, Gallice cum figuris. *De Laqueis & machinamentis Chirurgicis* Oribasius cum figuris, Scultetus.

XIX. *De Medicamentis Chirurgicis præstantissimis*, Pigraus, Felix Würtz, Le Clerc & Belloste in Pharmacia Chirurgica, Gallice. Huc quoque referenda videtur Ettmulleri Chirurgia Medica.

XX. *Observationum Chirurgicarum Scriptores*, Paræus, Ferrara, Cabrolus, Wierius, Scultetus, Stalpart von der Wiel, Petrus de Marchettis, Hildanus, Rossius, Tulpus, von Meekren, Lambsvverde, Roonhuysen, Ruyschius, Muys, Muralt, Belloste, Saviard, Purmann, Wolfius, Waltherus, Valentini.

XXI. *De præcipuis artis Chirurgica controversiis* Fienus.

XXII. *De Arte Obstetricia*. Inter veteres Paræus; inter recentiores Mauriceau, Paulus Portal, Peu, Iustina Sigmundin Brandenburgische Behemutter. *De Embryulcia sive fetus mortui ex utero extractione*, Solingen in peculiari tract. Chirurgiæ suæ annexo, & Autores modo citati. Ex veteribus conferri possunt Aquapendens in Op. Chir. Paræus L. 23. Chirurg. cap. 26. Hildan. cent. 6. obs. 64. *De sectione casarea seu partu casareo*, Franc. Rouffetus, Dœring, Hildanus, Ruleau, Theophilus Raynaudus, Fienus, Godofredus a Lankisch. *De exsectione fetus mortui post menses XXI in uteri tuba delitescentis matre salva excisi*, Abrahamus Cyprianus.

XXIII. *De Lithotomia*, præter multos alios, Marianus Sanctus, Hildanus. Tolet, Gallice. Groenvelt, Latine & nuperrime Anglice. Launay. Alghisi, Italice. Mery de methodo secandi Fratris Iacobi. *De turundarum post lithotomiam usu & abusu* varia scripta prostant pro & contra apud Hildanum.

XXIV. *Dé Herniis*, Geigeri Kelegraphia, Le Quin, Blegny, Launay, Berenger, von Hammen, Mery in Histor. Acad. Reg. Scientiar. A. 1701. p. m. 356.

XXV.

XXV. De *oculorum morbis*, Bartischius Ophthalmologia, Guillemæus, Antonius Maitre-Jan. De *Cataracta*, præter modo laudatos etiam in specie Brisseau, & ego. De *Polypodium*, Glandorpius. De *dentium Chirurgia*, Guillemæus, Scrobelbergerus.

XXVI. De *Bronchotomia*, Moreau, Fienus, Manovius, Dekkers. De *Cancro*, Gendron, Alliot, Helvetius, & inter veteres Benedictus Textor. De *fistula ani*, Marchettis in observat. Le Monnier, Gallice. De *meatum naturalium clausuræ curatione*, Wierus. De *Caruncula in meatu urinario*, Ferrius, Lacuna. De *Paronychia*, Glandorpius. De *Ventositate spina*, Pandolphinus cum annotationibus Mercklini, Marchettis in observationibus.

XXVII. De *gangræna & sphacelo*, Hildanus, Fromannus. De *artuum amputatione*, Fienus. De *nova decurtandorum artuum methodo*, Verduin, Ruyschius. De *Combustionibus*, Hildanus. De *Vena sectione*, Botallus, Francisci, Gailhardus, Jondot, & Anonymus Gallus, de Effectibus venæ sectionis ratione transpirationis. De *Arteriotomia*, Fienus, Prosper Alpinus, Scheurl. De *Aneurismate*, Bartholinus, & Hornius in microtechnæ. De *hirudinibus*, scarificatione & cucurbitulis, Botallus, Petrus Paulus Magnus Placentinus, Italice. De *scarificationibus Aegyptiorum*, Prosper Alpinus. De *Acupunctura Japonensium*, ten Rhyne. De *cucurbitularum abusu in febribus putridis*, Aquapendens. De *Fonticulis & Setaceis*, Galvanus Italice, Glandorpius. De *Canteris*, Costæus, P. P. Magnus, Fallopius, Fienus, Bartholinus.

XXVIII. De *Chirurgia infusoria*, Joh. Daniel Maior. De *Chirurgia transfusoria*, Loverus, Manfredus, Ettmullerus Mercklinus. De *Hydatibus, phlyctenibus, varicibus, oculi purulento & verrucis*, Bidloo in Exercit. Anat. Chirurg. *Cista militaris*, hoc est designatio præcipuorum instrumentorum & medicamentorum, quibus Medicum & Chirurgum castrensem

instructum esse convenit, Hildanus. De Chirurgia militari Franciscus de Roma, Mindererus, Muraltus, Abeille *Chirurgien d'Armée*. *Anatomiam Chirurgicam* Italico idiomate edidit Bernard. Genga, ut & commentaria in omnes aphorismos Hippocratis Chirurgiam spectantes, Romæ 1694. 8. Latine & Italice.

XXIX. Superfunt adhuc multi Scriptores Chirurgici, quorum studio nullam hic fecimus mentionem, quia hic probatiores tantum indicare voluimus, ut Studiosi Chirurgiæ ex tam multis hos præcipue sibi familiares reddere queant. Qui tamen & reliquos nosse desiderat, evolvat D. Gœlike nuper editam Historiam Chirurgiæ; Interea tamen multos adhuc Auctores nominavimus egregios, qui in modo laudata Historia non reperiuntur.

XXX. Taceo quoque *Dissertationes Academiæ innumeras de thematicis Chirurgicis conscriptas*, quarum multæ magna industria exaratæ sunt; & quia sæpe Observationes curiosas & utilissimas, casus & materias specialissimas, aliaque singularia pertractant, quæ in systematibus frustra quærentur, hinc & illarum lectionem commendamus, ac nonnullas in speciali Chirurgiæ pertractatione nominabimus.

XXXI. Scriptoribus Chirurgicis probatissimis indicatis; *typis artis Chirurgicæ iam generatam quandam ideam operarum Chirurgicarum proponam.* 1.) Chirurghi coniungunt præter naturam divisa aut disjuncta, ut in fracturis, luxationibus, vulneribus, ulceribus &c. 2) dividunt, vel præter naturam conjuncta aut coalita, ut in clausis meatibus naturalibus, ani, partium genitalium utriusq; sexus, digitis coalitis. Vel naturaliter conjunctarum, ut fit in Venæ sectione, abscessuum apertione, trepanatione. 3.) Auferunt vel superflua, ut excrescentias præter naturales, polypum narium: vel noxia, ut partes Sphacelo corruptas, manus, pedes, penem, testiculos, 4.) exitum procurant rebus, quæ vel naturaliter excerni debent, ut urinæ suppressæ, foetui, secundinis, dentibus infantum. Vel rebus præter

præter naturam alicubi inclusis, ut calculo, globulis, festucis, puri, frustis ferri, vitri, pannis. 5.) fluxus nonnullos præter naturales sistunt & cohibent, ut hæmorrhagias vulnerum, urinæ involuntarium effluxum, instrumentis idoneis. 6.) membra inflexa, curva, aut male conformata ad naturalem figuram reducunt, ut spinam dorsi, collum, tibiasque distorta. 7.) partes amissas arte restituant, aures, nasum, dentes, oculos, artus.

XXXII. Ex hac operationum diversitate ac fundamento Autores plerique suas Chirurgiæ divisiones instituerunt, & secundum illum ordinem tractarunt, augustinioribus tamen plerumque cancellis eam includentes; nam nonnulli opera Chirurgica, nullo servato partium corporis ordine, in sex classes distribuerunt, Græcis insignitas nominibus: nimirum Synthesin, diæresin, exæresin, aphæresin, prosthesis, & diorthosin.

XXXIII. *Alii harum classium tantum quinque, alii non nisi quatuor admittunt*, imo Galenus duas tantum Synthesin & diæresin statuit, Deinde vero de loco disputant, ad quem quævis operatio sit referenda; utrum v. g. trepanatio ad diæresin, vel exæresin, an ad aphæresin reduci debeat: hinc quia hæc divisio valde confusa, & tyronibus, inprimis Græci ignorantibus, difficilis est, clariorque divisio institui potest, parum intererit istis vocabulis seu distinctionibus veterum adeo stricte adhærere, iisque memoriam præter necessitatem fatigare velle.

XXXIV. *Quidam totam Chirurgiam quinque sectionibus tradi posse sustinuerunt*, ut vulneribus, ulceribus, fracturis, luxationibus & tumoribus, verum nec hac divisione sine insigni confusione tota ars pertractari poterit.

XXXV. Igitur ut *melio rem divisionem* in Chirurgia docenda seligamus, placuit nobis eam in tres partes dispescere, de quibus certus sum totam Chirurgiam sub eis contineri, & sine confusione pertractari posse. *In harum prima de vulneribus, ulceribus, fracturis, luxationibus & tumoribus* acturus sum, quam partem consummatissimus ille suo tempore Medi-

co-Chirurgus Hieron. Fabr. ab Aquapendente Pentateuchum appellavit. *In altera Operationes Chirurgicas proprie sic dictas* docebo, ubi de omnibus reliquis morbis, manuum auxilium requirentibus, agam, qui ad quinque classes pentateuchi commode referri nequeunt; incipiendo ab operationibus, quæ variis corporis partibus sunt communes, pergendo ad caput, hinc ad collum & pectus, inde ad abdomen, & ab hoc ad extremitates manus scilicet & pedes progrediendo.

XXXVI. In tertia parte docebimus *deligandi methodum*, sive fasciarum quarumcunque in corpore humano necessariorum nitidam præparationem & applicationem; hæc enim scientia magni est momenti, quæ Chirurgos non solum valde exornat, magnamque fiduciam apud ægros conciliat, sed & ad curationem summe necessaria, imo sæpe sola sufficiens est; exemplo fracturarum & luxationum.

XXXVII. Operationes vero, quæ in altera parte tradentur, sunt sequentes. Primo *Operationes in variis corporis partibus occurrentes.* 1. *Venæ sectio* in brachio, 2. in manu, 3. in pede. 4. in fronte, 5. in iugulo 6. sub lingua. Venæ sectionis quædam symptomata quo modo curanda, ut 1. ecchymosis, 2. Nervi punctura, 3. arteriæ fortuita vel improvida læsio in Venæsectione, 4. aneurisma. Fonticulorum excitandi modus in brachiis & pedibus. Vesicatoriorum applicandi & tractandi ratio. Hirudinum sive sanguisugarum applicandi & removendi modus, de scarificatione & cucurbitulis. Acupunctura Sinensium & Japonensium. Iniectiones Chirurgicæ in fauces, anum, uterum, penem, ulcera sinuosa, thoracis cavitatem. Fomentatio. Cataplasmatum adhibendi modus. Cauteriorum potentialium & actualium usus. Abscessuum aperiendi encheirisis. Verrucarum extirpandi modus. Excrescentiarum auferendi ratio. Tumorum cysticorum, steatomatis, atheromatis, & meliceridis extirpandi methodus. Extraneorum e variis corporis partibus extractio, ut globulorum plumbeorum, fustorum

rum ferri, gladii, ligni, panni, chartæ, vitri &c. Sutura vul-
nerum siccæ ac cruentæ. Digitorum manus aut pedis coalito-
rum divisio, sive hoc a nativitate, sive ab alia causa. Digitorum
superfluorum a nativitate ablatio. Digitorum corruptorum
extirpatio. Manus, cubiti, brachii, pedis, tibiæ, cruris amputatio.

XXXVIII. *Operationes chirurgica, quæ in capite
sunt.* Fonticulus in sutura coronali. Arteriotomia in arte-
riis temporum. De hydrocephali curatione. De Cranii fra-
cti & depressi elevatione. De Trepanatione.

XXXIX. *In Palpebris.* Præternaturalia illis submissa
quomodo eximenda. Operatio hydatidum, hordeoli, Chala-
zii, Grandinis & tumorum cysticorum in palpebris. Verru-
carum palpebrarum extirpatio. De phalongosi sive palpebræ
decurtatione. De trichiasi sive ciliis oculum lædentibus. De
ankyloblepharo sive palpebrarum concretionem. De lagophthal-
mo sive inversione palpebræ superioris. De ectropio sive inver-
sione palpebræ inferioris. De encanthide sive excrescentia in o-
culi angulo maiori. De anchilope sive tumore in cantho oculi
maiori. De ægilope sive ulcere canthi oculi maioris. De fistula
lacrymali. De oculo lacrymante.

XL. *In Oculis:* Suffusio & cataracta. Vnguis seu pterygium.
staphyloma hypopium sive oculus purulentus. Proptosis sive
prolapsus oculi. Strabismus. Oculi artificialis imponendi ratio.

XLI. *In Auribus.* Meatus auditorius a nativitate oclusus,
quomodo aperiendus. Extraneorum seu peregrinorum in me-
tu auditorio hærentium eximendi ratio. Carunculæ in meatu
auditorio extirpatio. Antitragi in dentium dolore urendi vel
incidendi modus. Lobi auris singulari instrumento commode
perforandi methodus.

XLII. *In Naso:* Polypi narium tam per nares quam per
fauces dependentis extractio. Ozænæ curatio. Nasi semiam-
putati restitutio. Nasi artificialis appositio, ubi simul de nasi per-
infectionem restitutione agetur.

XLIII. In Labiis : Labium leporinum. Carcinoma labiorum.

XLIV. In Dentibus : Nimis constrictorum aperiendi modus. Crusta obfessorum purificatio. Carioforum curatio. Bucas vel linguam pungentium ac lædentium lævigatio. Dolentium urendi methodus. Corruptorum extractio. Dentium artificialium loco amissorum substitutio. Dentitioni infantum difficili ope incisionis gingivarum succurrendi modus.

XLV. In Gingivis : Epulis sive excreſcentia gingivarum. Parulis sive abſceſſus gingivarum.

XLVI. In Lingua : Linguae depreſſio ad faucium vitia inſpicienda, & ſiphunculi applicationem. Frænuli præciſio. Ranula, ſcirrhi, canceri linguae extirpatio.

XLVII. In Palato : Ulcerum palati curatio. Foraminum palati a caſu oſſium obturatio beneficio peculiaris instrumenti.

XLVIII. In Uvula : Nimis elongatae decurtatio, tam quæ ligatura, quam quæ ſeſſione inſtituitur. Medicamentorum in uvulae intumeſcentia applicandi modus.

XLIX. In Tonsillis : Inflammatarum in angina ſcarificatio. Suppuratarum peculiari novo instrumento aperiendi modus. Scirrhosarum eximendi ratio. Excreſcentiarum circa tonſillas auferendi methodus.

L. In Faucibus & oſophago : de Extraneis e faucibus & oſophago eximendis, offiſculis, Spinis piſcium &c.

LI. In Collo : Colli incurvati ſeu obſtupi curatio. Tracheotomia. Strumæ ablatio. Setaceum in nucha.

LII. In Pectore : papillarum deliteſcentium in lactantibus extractio. Papillarum fiſſarum deſenſio. Lactis ſubſiſtentis evocatio. Abſceſſus mammarum tractandi ratio. Cancer mammarum occultus & apertus. Paracenteſis thoracis. Sterni trepanatio. Pulmonis vulnerati & per vulnus protruſi curatio. Gibboſitatis incipientis per idonea instrumenta emendatio.

LIII.

LIII. *In Abdomine.* Umbilici ligatura in foetu recens nato. Paracentesis. Gasteroraphe seu modus consuendi vulnera abdominis. Enteroraphe sive intestinorum sutura. Omenti gangranosi resectio. Sectio Cæsarea. Exomphalos sive hernia umbilicalis. Bubonocoele seu herniæ inguinalis sectio, & operatio, quæ in ileo, ab hernia intestinali orto, peragitur.

LIV. *In Scroto* : Enterocoele sive hernia intestinalis. Epiplocele, hernia omentalis, & ex his composita enteroepiplocele. Sarcocoele. Hydrocele. Hydrofarcocoele. Enterohydrocele. Pneumatocoele. Cirrocele sive ramex, aut hernia varicosa. Ulcera testiculorum. Sphacelus testiculorum & castratio.

LV. *In membro Virili* : Phimosis. Paraphimosis. Penis cancriosi vel sphacelati amputatio. Frænuli sectio. De verrucis aliisque penis excrecentiis. De hypospadiasmo sive glande a nativitate non perforata. Urinæ incontinentia singulari instrumento curanda. Catheterismus. Caruncula in meatu urinario. Calculi ex urethra extractio.

LVI. *In Perinao* : delithotomia eiusque variis perficiendi modis, apparatu maiori, minori, alto sive hypogastrica sectione, & methodo celeberrimi Monachi Fratris Iacobi, vulgo *Freye Iacques*. De fistula perinæ post lithotomiam. De punctura perinæ & punctura hypogastrica in urinæ suppressione.

LVII. *In partibus genitalibus Mulierum* : de labiis vaginæ uteri a nativitate coalitis. De hymene solito crassiori, seu membrana vaginam uteri claudente. De clitoride monstrosa auferenda. De excrecentiis vaginæ auferendis. Calculus vesicæ in mulieribus quomodo educendus. De arte obstetricia sive de modo foetum vivum & mortuum ex utero educendi. De officio Chirurgi in uteri hæmorrhagia gravidarum. Secundinarum relictarum extractio. Molæ extractio. Vteri prolapsus. Perinæ ruptio post partum difficilem. De sectione vel partu cæsareo iam supra inter operationes abdominis dictum est.

LVIII. *In ano* : clysmatum & suppositoriorum applicatio.

tio. Ani a nativitate clausi aperiendi modus. Intestini recti prolapsus. Excrescentiæ ani extirpandæ. Hæmorrhoidum nimis fluentium obturatio. Hæmorrhoidum apertio. Fistula ani.

LIX. *In extremitatibus superioribus sive brachiis*: Pluræque operationes, quæ hic fiunt, iam recensitæ sunt inter operationes communes, Restant hic Paronychia & Sutura tendinum.

LX. *In pedibus sive extremitatibus inferioribus*: De amputationibus & Venæ sectione agitur inter operationes communes. Restant hic sutura tendinis Achillis. Varicem curatio. Unguis pollicis pedis profundius carni intrusus & dolens quomodo tractandus. Clavi pedum, Vari & Valgi.

LXI. *De Chirurgia infusoria & transfusoria* appendicis loco paucis quoque acturi sumus.

LXII. Cæterum, ne quis vitio mihi vertat, rogo, quod nonnullas operationes inseruerim, quæ quibusdam nimis viles, Medicoque in clara dignitate constituto, indignæ videbuntur, uti sunt dentium operationes, Venæ sectio, scarificatio, Fonticulorum excitatio, Vesicatoriorum & hirudinum applicatio &c. Verum dum hoc feci, efficere volui, ne quid discantibus (in quorum usum præcipue hæc scribo) desit, de quo cognitionem habere debent; inprimis quia plures clarissimi viri idem ante me egerunt. Propterea tamen in hocce rerum, quo vivimus, statu, nollem, ut Medicus promiscue viliores illas operationes, quæ a Chirurgis vulgaribus ac balneatoribus ubique hodie peraguntur, perficiat, ne avarus aut sordidus nimis videatur; attamen volo, ut omnes probe calleat, & ut in casibus necessitatis, ubi de vita hominis agitur, eas peragere possit; nam tali tempore, etiam vel solius conscientiæ gratia, Medico nihil, quod ad sanationem facere potest, sordidum aut vile nimis videri debet, ne quid omittat quod ægrum servare potuisset.

LXIII. Igitur ut discantes omnium rerum Chirurgicarum eo meliorem cognitionem acquirant, *non solum operas man-*
uarias

tuarias docebo, sicut nonnulli, omiſſis theoria morbi, medicamen-
 tis, diætâ, &c. fieri debere contendunt; a) *ſed in quovis*
morbo deſcribam. 1.) Eſſentiam aut naturam ægritudinis, ex
 principiis experientiæ ac ſanæ rationis deductam, 2.) Indica-
 bo partem affectam. 3.) Diagnofiſ & prognofiſ, ubi opus erit.
 4.) Demonſtrabo instrumenta optima, ad quamvis operatio-
 nem neceſſaria. Nonnunquam obſoleta ſimul exhibebo, ut eo
 melius præſtantia recentiorum cognoscatur. 5.) Modum ap-
 plicandi manus & instrumenta, id eſt ipſam encheiriſin ſive a-
 ctum Chirurgicum. 6.) Peracta operatione, methodum doce-
 bo, qua æger deligari, & beneficio diætæ ac medicamentorum
 cito, tuto & incunde, (quantum fieri poteſt) ſanitati reſtitui
 debeat. Hoc etiamſi multis ἀπορον & a Chirurgia alienum eſſe
 videatur, ut iam ſupra monuimus, attamen plerisque Scrip-
 toribus hæcce probatur methodus; facilius enim hæc in quovis ca-
 ſu ſimul traduntur & diſcuntur, quam ſi alia vice ſeorſim tractari
 & diſci deberent.

LXIV. Antequam de morbis Chirurgicis agamus, neceſ-
 ſarium hic erit *generalia quædam præmittere, quorum cognitio-
 ne Studioſi Chirurgia hæud facile carere poſſunt*, quia in pleris-
 que morbis Chirurgi iis indigent; & præ cæteris conducet iam
 noſſe *instrumenta maxime neceſſaria*, ſive quorum uſus præ
 reliquis eſt frequentior; nam ſicuti mechanicarum artium ma-
 giſtri ab initio diſcipulos ſuos instrumentorum cognitione im-
 buere ſolent, ita & Chirurgiæ Studioſi ſine horum notitia rite
 proficere non poterunt. Instrumenta Chirurgica delineata vi-
 dere quidem licet apud Autores ſupra laudatos; melius autem
 erit ea diligenter perluſtrare in bene inſtructis armamentariis
 Chirurgicis, & propterea, quæ ad quamvis operationem ne-
 ceſſaria ſunt, in qualibet operatione demonſtraturi ſumus.

LXV. Iam vero ante omnia exhibebimus illa instrumen-

a) von Horne in Microtechn. §. 4. alique ibi citati Autores, ut Vidus vidius,
 Gourmelinus, Jeſſenius, Aquapendens, M. A. Severinus.

ta, quorum cognitio ob frequentiorem usum maxime est necessaria, quæ exercitati Chirurghi hodie plerumque in theca vel in bursula quadam secum gestant, unde *gestabilia* seu *portatilia* vulgo vocari solent, & talia sunt forfex, culter phlebotomus maior & minor, vulgo *lancetta maior* & *minor*, scalpellum rectum & falcatum, novacula, vossella, spathula, specillum planum, cylindricum & sulcatum, & acus. His nonnulli addunt separatorium, instrumentum pro extrahendis dentibus, limam, hamulum, aliaque. Quidam Scriptores hic prolixè doceant, *instrumenta differre materia, figura & usu*; verum cum vel vulgus hoc sciat, his tanquam supervacaneis explicandis superfedemus, satisque ex operationum demonstratione patebit.

LXVI. Non sine ratione instrumentis Chirurgicis mox subiunguntur *Medicamenta*, quibus Chirurghi uti coguntur, nam plerisque in casibus iis carere non possunt, quicquid alii reclament. Locus autem iam non est, quo omnia remedia commemorem Chirurgica, quæ in speciali pertractatione laudabuntur; sed nunc solum quotidiana illa indicabo, quibus Chirurghi semper instructi esse debent, & in peculiari theca secum portare; ex quibus sufficere possunt ungv. digestivum, ungv. ægyptiac. vel fuscum Wurtzii, balsamus Arcæi, & emplastrum unum alterumve, quibus in vulneribus ac ulceribus uti queant, ut empl. de minio, stypticum Croll. aut diapalmæ, aliudve simile. Præterea frustulum Olii cœrulei præsto sit, cuius frequens est usus ad vulnerum ulcerumque carnes spongiosas absumendas: denique etiam linteo carpto & crepitu lupi, vulgo bovis, aut pulvere quodam stiptico, sit instructus, ut ad vulneratum vocatus mox remedia sanguini sistendo in promptu habeat: & hæc omnia eidem capsulæ includi solent.

LXVII. Chirurghi boni *requisita sive proprietates* egregie descripsit Celsus in proœmio Lib. VII. & vult, ut sit *adolescens, aut certe adolescentia propior, manu strenua, stabili, nec unquam intremiscente, eaque non minus sinistra quam*

quam dextra promptus; acie oculorum acri, claraque, animo intrepidus, immisericors, sic, ut sanari velit eum, quem accepit, non ut clamore eius motus, vel magis, quam res desiderat, properet, vel minus quam necesse est, secet, sed perinde faciat omnia, ac si nullus ex vagitibus alterius affectus oriatur. Attamen ita se gerat, ut, monente Hippocrate, nihil temere, nihil inconsiderate agat, & si prodesse non possit, ne noceat.

LXVIII. Hæc autem, ut rite peragantur, insignem requirunt Anatomes & totius artis Medica cognitionem, atque simul penetrans & accuratum iudicium, alias tuto non poterit secare, coniungere, sanare; verbo: Officium suum modo requisito peragere. Præterea a futuro bono Chirurgo quoque desidero, ut iactis prius requisitis theoriæ fundamentis, per annos aliquot frequenter nosocomia castrensia & magnarum urbium, ubi magna ægrotorum, quibus manuum opera opus est, occurrit copia, atque non solum sæpe accurate videat & observet exercitatorum Chirurgorum operationes, sed etiam manuum applicatione diligenter se exerceat; nam sinunquam, certe hic quam verissimum est tritum illud, usus facit artificem: Theoria enim sola nullus curatur æger; & sicut (Galenus a) ait: *Univerſalis tantum cognitio nequaquam ſufficit, ſed exercitatio præterea requiritur*; quippe qua non solum discipulus quis, sed & artifex redditur. In quavis denique operatione, ut Chirurgus ministris, loco, lumine, situ agri commodis sibi prospiciat, res ipsa, me etiam silente, sponte loquitur, quæ pro varietate operationis varie accommodanda sunt; nam in genere nihil certi de his doceri potest, sed in quavis operatione in specie accurate indicari debent.

LXIX. Chirurgus hisce requisitis instructus & ad ægrum vocatus, si officio suo rite fungi vult, 1) explorare debet, quo morbo æger afficiatur. Hoc cognito 2) consideret, utrum cum, an sine operatione sanari queat; iucundior enim & blandior

a) Lib. 2. de loc. aff. Cap. LX.

ior methodus semper præferenda est severiori. 3) Si vero sine operatione morbus tuto tolli nequit, debita circumspeditione eam quamprimum suscipiat, si periculum in mora; alias in casibus difficilioribus & moram patientibus prius consilium conferat cum aliis viris in arte peritis. 4) Operatione peracta, pars affecta decenter deliganda. Et 5) quamprimum possibile, sanitati restituenda est.

LXX. *Exploratio fit* 1) *Oculis*, ut in tumoribus, vulneribus, cataracta &c. 2) *Manibus*, ut in fracturis, luxationibus, pedibus œdemofosis. 3) *Instrumentis*. Ad quæ pertinent *specilla*, quibus exploramus vulnorum & fistularum profunditatem ac progressum, fissuras in cranio, aliaque. Fabricari solent vel ex argento, chalybe, ebore aut ossibus balænæ. Ad instrumenta exploratoria etiam referuntur *catheteres*, pro calculi exploratione in vesica: & ita dicta *specula oris, ani, uteri*, quorum vitia sæpe sine diductione non rite cognosci, ideoque nec curari possunt. 4) *Auribus*: dum non raro malum ex sola ægri vel adstantium relatione mox innotescit, ut diuturniore exploratione vix opus sit. Imo auribus sæpe percipimus fluctuationem aquæ vel puris in corporis cavitatibus; fractorum ossium collisio & strepitus de fractura nos certiores facit. Audimus etiam catheteris ad calculum vesicæ allisionem, ex qua certissimam calculi in vesica præsentiam dignoscimus. 5) *Odoratus* quoque explorationi inservit, dum in ulceribus bonam vel malignam puris conditionem, imo etiam foetus in partu difficili vitam aut mortem sæpe indicat.

LXXI. *Modus explorandi* ope instrumentorum vix ex descriptione aut libris, sed usu atque exercitio cumprimis addiscitur; hoc potissimum observando, ut caute, blande & suspensa manu fiat, ne quid vel temere lædatur, vel dolor præter necessitatem excitetur afflicto.

LXXII. *Dantur quoque casus a Chirurgo auxilium expectantes, neque manibus, neque instrumentis, neque sensibus*
exter-

externis, sed ratione indagandi atque cognoscendi. Exemplo esse potest: si quis fuerit lapsus ab alto, aut rudiorum percussione capite susceperit, ut omnibus sensibus privatus decumbat, nulla visibili fractura aut fissura in cranio, tunc causa horum symptomatum in sensus non incurrit, neque manibus explorari potest; adeoque ratione hic agere necessum est, in memoriam sibi revocando, quid in aliis ita afflictis fuerit observatum, nimirum sanguis in cranio extravasatus, cerebrum nervosque eius comprimens. Quoniam vero mors est secutura, nisi sanguini illi exitus paretur, hinc indicatur trepani operatio, sanguinisque e cranii cavitateeductio. Sic si vomica pulmonum vel pleura suppuratione rupta, pus in cavitatem thoracis sit effusum, ex morbo prægresso & symptomatibus præsentibus iudicamus paracentesin esse necessariam, etiam si manibus, instrumentis sensibusve externis pus non percipiatur. In contrafissura cranii, variisque aliis morbis res quoque ita se habet, ut ratio nobis indicet morbi naturam & curationem, sensus vero stent post principia.

LXXIII. Tandem adhuc opus erit, hoc loco *generalia apparatus*, ut vocant, *Chirurgici, sive artis deligandi explicare requisita*, ubi occurrunt 1.) *plumaceoli* ex linteis mundis conserptis confecti, & in figuram planam, ellipticam vel quandoque orbicularem, aut etiam in figuram olivæ contorti: quorum usus est 1) ut in vulneribus recentibus sanguinem sistant, dum vulnera iis infarciuntur, quod in levioribus vulneribus soli præstant; in gravioribus vero hæmorrhagiis pulveribus aut liquoribus stypticis, aut Ψ rectificatissimo, aut oleo terebinthinæ imprægnandi sunt. 2) Unguento vel balsamo vulnerario illiti vulneribus & ulceribus applicantur. 3) Imbibunt saniem ulcerum, ne stagnando acrior facta carnes erodat, & ut ulcera siccantur. 4) Impediunt, ne vulneris aut ulceris labia concrecant, priusquam fundus carne repletus est. 5) Vulnera & ulcera contra frigis defendunt.

LXXIV. Vulgaris mos est multorum Chirurgorum, plumaceolos ex linteis cultro rasos conficere; verum fila sic fiunt nimis breviora, & adhærent facile vulneribus, præsertim profun-

dioribus, ut non nisi difficulter in eorum mundificatione eximi queant, unde varia incommoda oriri possunt: melius igitur est, eos ex linteorum frustulis quadratis, palmæ circiter magnitudine, digitorum beneficio in fila longiora diductis, parare, quod vero, quomodo fieri debeat, melius demonstrari, quam describi potest. Vbi vulnera magna sunt, ut in amputationibus extremorum, in quibus magna plumaceolorum copia requiritur, ibi ob linteorum penuriam, uti sæpe in castris & apud pauperes contingit, primum solum stratum ex descriptis plumaceolis fieri, eique postea plumaceoli ex lino vel stappa confecti imponi possunt. Veteres etiam loco horum gossypio usi sunt.

LXXV. II.) *Turunda* similiter fiunt ex linteo carpto, molli, singulari modo in figuram cylindricam vel potius conicam contorto. Inmittuntur vulgo vulneribus profundioribus & ulceribus fistulosis, 1) ut medicamenta ad fundum usque applicari queant, 2) ut absorbeant saniem, 3) ut impendant labiorum concretionem præmaturam, quo extranea & sordes educi possint, & fundus carne repleti. Oportet vero, ut molles sint, & vulneris magnitudini proportionatæ, ne lædant labia vulnorum, & ut vulnere mundificato crescenteque carne earum magnitudo sensim minuatur, ne vulneris concretionem impendant. *Belloste* omnes fere turundas promiscue damnat ac reiecit; verum si dictis cautelis adhibentur, usus eorum non est prorsus contemnendus.

LXXVI. *Nonnulla turunda quoque fiunt ex linteo molli detricto, integro, non concepto*, sed tantum in conicam figuram convoluto, apice tamen molli, & inprimis in vulneribus thoracis & abdominis adhibentur, ut quotidie sanguis aut pus extravasatum educi queat, & ne filamenta in cavitatem illabi possint.

LXXVII. Aliæ turundæ usurpantur *ad dilatanda vulnorum ulcerumque profundiorum orificia angustiora*, & Chirurgis nostris dicuntur *Quellmeißel*: parantur vero ex radice gentianæ, spongia præparata, medulla sambuci, rapis singulari modo sectis & exsiccatis, quæ omnia cavitati immissa ab imbibitione saniei & puris valde intumescunt, & intumescendo orificium dilatant, ut ad fundum faciliis pateat aditus.

LXXVIII. Nonnulli ad turundas etiam referunt *cannulas argenteas & plumbeas*, quæ vulneribus & ulceribus quandoque immittuntur, pro exitu parando sanguini, puri, ichori, aquæ, urinæ.

LXXIX. III.) *Emplastra* plumaceolis & turundis retinendis applicari solent; quæquid sint, adeo notum est, ut longa descriptione non egeant. Materies & compositio eorum peti debet ex libris pharmaceuticis: varia enim hæc sunt, pro usus varietate. Extenduntur emplastra ut plurimum super linteum tenuius vel crassius & robustius, pro diversitate finis & partis, cui applicandum. Quandoque super sericum nigrum pro palpebris & temporibus. Nonnunquam etiam super corium.

LXXX. Ut autem variis corporis partibus commodius applicari possint, varias ipsis damus figuras parti affectæ accommodatas: hinc fiunt alia rotunda, quadrata, triangularia, oblonga, ovata. Alia in forma lunæ cornutæ, crucis Melitensis, literæ T. Inter omnes autem figuras communissima est rotunda & quadrata, plerisque partibus conveniens. Alia vel in uno vel in duplici latere, vel in tota circumferentia profunde finduntur, ut eo melius partibus inæqualibus & articulis adhærere queant. Magnitudo emplastrorum, pro partis affectæ diversitate, variat, & Chirurgi iudicio relinquitur.

LXXXI. *Usus emplastrorum* est retinere unguenta, pulveres, plumaceolos, turundas, in parte affecta, ne a loco suo decident. Non autem solum ulceribus & vulneribus, sed tumoribus quoque vel resolvendis vel suppurandis, doloribus & ambustionibus mitigandis, leniendis, fracturis consolidandis, articulis luxatis roborandis, aliosque ob usus varios, omnibus corporis partibus applicari solent.

LXXXII. His IV.) imponuntur linteola aliquoties complicata, *Splenia*, & vocabulo barbaro *Compresse* dicta, tam ad partis affectæ defensionem, quam ad totius apparatus meliorem retentionem. Attamen etiam spleniis sæpe sine emplastrorum interventu utimur, nunc siccis, nunc humidis, liquoribus modo roborantibus aut adstringentibus, modo emollientibus & relaxantibus,

resolventibus, lenientibus, spirituosius aut non spirituosius, ☿, vino, oxycrato, imbutis; nunc calidis, nunc frigidis, prout tumoribus, inflammationibus, huic vel illi malo mederi volumus.

LXXXIII. Variant eodem fere modo ut emplastra ratione figuræ & magnitudinis; sunt enim quadrata, triangularia, cruciformia, circularia, cylindrica &c. Alia a situ dicuntur longitudinalia, transversalia, obliqua, annularia, stellata, nam accommodari debent parti affectæ: paulo tamen maiora semper esse debent quam emplastra, ut hæc tegi integra possint. Nulla cæteroquin regula generalis dari potest.

LXXXIV. *Vsus eorum* est 1. partem affectam a frigore defendere. & sic eius calorem naturalem conservare. 2. Retinere supposita. 3. Ut liquida, horum beneficio partibus applicata, diu retineantur. 4. Partium inæqualitates replere, ut fasciæ eo melius & constantius firmari queant. 5. Ne ligaturæ & laquei partes excorient, doloresve excitent. &c.

LXXXV. V.) Quoniam vero splenia & reliquis apparatus firmanda sunt, ne decidunt, hinc FASCIIS opus est, quibus partes affectæ decenter involvendæ & colligandæ. Fascia autem est linteum longum, secundum filorum rectitudinem scissum, plus minus latum, vel ad splenia reliquumque apparatus Chirurgicum, vel ad partes fractas luxatasve involvendas continendasque destinatum. Fasciarum vero differentias & quomodo parari, nitideque applicari debeant, fusc satis ac perspicue in tertia Chirurgiæ nostræ parte docebimus.

i LXXXVI. Denique etiam Chirurgi indiget LAQVEIS, isque nunc crassioribus & robustioribus, nunc tenuioribus, pro varia intentione. Confecti sunt vel ex lino, cannabe, lana, serico, setis equinis. Veteres magnam excogitarunt copiam, eisque varia imposuerunt nomina, ut nauticus, textorius, pastoralis, lupus, sandalinus, simplex, duplex &c. hodie vero tres ultimi fere solum in usu sunt. Conferri potest Oribasius.

LXXXVII. *Utuntur* eis in fractis luxatisque membris extendendis, in lithotomia, herniarum sectione, aliisque gravioribus operationibus, ut corpus durante operatione in debito situ

situ melius contineri queat, ne Chirurgus in operatione turbe-
tur. In Venæ sectione venæ laqueo constringuntur, ut san-
guinis fluxus ad fontem inhibeatur, & venæ intumescere pos-
sint. In artuum amputatione, ne sanguis multus in operatione
profundatur. Ad ferulas in fracturis retinendas. Ad processus
peritonæi ligandos, si hernia cum ablatione testiculi secatur.
Nonnulli etiam laqueos applicant artuum extremis, doloris &
revulsionis excitandi gratia, ut sanguis ex naribus, utero, hæ-
morrhoidalibus vasis, nimis fluens, revellatur versus extrema.
Laqueis etiam auferuntur excrescentiæ pendulæ, tumores
nonnulli præter naturales & verrucæ.

LXXXVIII. Laqueorum applicandi ratio & materia cui-
vis malo accommodata, optime in quavis operatione, ubi ad-
hiberi solent demonstrari & doceri poterunt.

LXXXIX. Quis igitur ex hæcenus dictis non cog-
noscit *Chirurgiam esse artem l. amplissimam atque difficilissimam*?
Si rerum sciendarum copiam & morborum multitudinem con-
siderat. Vnde quidem factum esse videtur, quod a longe
iam tempore a distinctis personis Medicina & Chirurgia fuerint
exercitatæ. Verum difficultas hæc nullum Medicinæ Studio-
sum a Chirurgia discenda deterreat, labor & diligentia hanc dif-
ficultatem vincunt; Nam quod multi Medicinæ Doctores po-
tuerunt, id & hodie erit possibile; imprimis quia Chirurgia talis
artis Medicæ pars est, (ut iam supra probatum) quia nullus ca-
rere recte potest, qui perfecti Medici nomen ambit, tuerique
aliquando conatur. Nam

XC. II. *Chirurgia ars est omnium utilissima, ac summe
necessaria*, qua genus humanum sine maximo damno
privari non potest, dum infinitum ægrotantium numerum, her-
culeæ quasi manu, ferro & igne armata, vel e præsentaneis mor-
tis periculis eripit, vel a summis miseriis & cruciatibus liberat.
Præterea Medicina ad hanc, tanquam ad sacram anchoram, si-
ve ad efficacius auxilium, confugit, quando nihil amplius ef-
ficere valet; hinc Hippocrates iam dixit: *Quæ medicamenta
non sanant, ferrum sanat, quæ ferrum non sanat, ignis sanat,*

quæ ignis non sanat, insanabilia sunt. Adeoque hæc man-
aria Medicinæ pars potior & efficacior sæpe est, quam quæ me-
dicamentis curat; quam etiam ipsi osiores Medicinæ, iique, qui
omnia medicamenta ludibrio habent, contemnere non possunt;
nam fracturæ ac luxationes vix unquam sine Chirurgi ope re-
stituuntur.

XCI. III. *Chirurgia pars est Medicina certissima*, nam in
parte, medicamentaria coniecturis multa nituntur, & experien-
tia sæpe fallax est; Aut ut *Celsus* ait: In morbis internis *for-*
tuna multum confert, nam dubitari potest, Secunda valetu-
do artis an corporis beneficio contigerit, multi enim reconva-
lescunt sine omni medicamentorum usu. Chirurgiæ vero ef-
fectus sunt evidentissimi, & magna eorum pars a sola pruden-
tis Chirurgi dexteritate dependet; quod cataractæ operatio,
artuum sphacelatorum amputationes, luxationum & fractura-
rum restitutiones, præter innumera alia exempla, abunde te-
stantur, & hinc *M. A. Severinus* non immerito Chirurgiam suam
inscripsit, *de Efficaci Medicina*.

XCII. IV. *Chirurgia ars est nobilissima & dignitate se*
non prior, saltem equalis Medicina; quia 1. Obiectum idem ha-
bet nobilissimum, nimirum hominem. 2. Finem præstantissi-
mum, sanitatem scilicet, auro quovis præstantiorem, quam ma-
iori evidentia ac certitudine procurat ægrotis, quam Medicina
vulgari sensu intellecta.

XCIII. Ergo, *Philatri optimi*, omnes intendite nervos
ad nobilissimam, utilissimam, præstantissimamque hanc Medi-
cinæ partem rite addiscendam, nec ullum Vestrum pudeat Chi-
rurgiam una cum reliqua Medicina excolere atque exercere;
Medicus enim qui simul bonus est Chirurgus, haud inferioris
erit fortis, quam Medicus solis medicamentis ac diætâ sanans,
quicquid ignari aut invidi calumnientur. Exercuerunt enim
Chirurgiam ante & post Hippocratem multi clarissimi Medici.
Neque hoc dedecori sibi esse putarunt Doctores Medici præci-
pui, qui ultimis seculis vixerunt, quorum tamen fama immor-
talis

talís erit. Imo nec hodie deesse Medicos magnæ existimatio-
nis Chirurgiam exercentes, iam in præfatione indicavimus.

XCIV. Nolite igitur audire calumniatores, qui operas
Chirurgicas infra Doctoris Medici dignitatem esse contendunt,
sed potius, præter supra dicta, adhuc verba doctissimi *Beren-*
garii eis opponite a) dum ita scribit: *Equidem credo, multos de*
prædictis Medicis operaturos, si scirent modum operandi; sed
potissima causa, ob quam non operantur, est, quia nesciunt
operari.

XCV. Neque vos deterreant sanguis, pus, ichor aliæve
sordes, quæ forte aliquando vos conspurcabant, nam aqua
hæc omnia delet & abluit; qui enim Medici fieri volunt, ma-
ture animum ita roborent necesse est, ne ab his affectus aliquis
oriatur; & inprimis etiam quia hæ operationes sanitatis & Ca-
ritatis Christianæ causa suscipiuntur. Sicut enim *Medici Che-*
mici faciem ac manus carbonibus, luto, stercoribus aliisque re-
bus sordidis defædantes, propterea minime culpandi sunt, sed
potius laudandi, omnique honore digni habendi, quia operi-
bus suis utilia ac salutaria producant: ita quoque Medici Chi-
rurgi, dum non raro sordidas operas perficiunt, non contem-
nendi sunt, sed potius sordes illæ ipsi laudi atque gloriæ du-
cendæ, quia Sanitatis humanæ gratia generoso animo nullum
foetorem fugiunt, nullaque incommoda sustinenda detrectant,
si modo ægris prodesse possunt; propterea etiam ab omnibus
bonis in honore habentur, & a sanatis plenis buccis celebrantur.

XCVI. Prout igitur nemo, nisi rerum omnium ignarus,
aut potius insanus, Chimiæ exercere Medico turpe putabit;
ita & de Chirurgia sentiendum esse arbitror, licet utraque ars
sordibus suos artifices sæpe afficiat: Sanitas enim humana Me-
dico magis curæ cordique sit, quam intempestiva illa mundi-
ties, ob quam multi ægrorum perierunt, quæ profecto genui-
num ac cordatum Medicum dedecet; nam Medicus nihil fugi-
re debet incommodi, nihil turpe putare, quod Sanitatis humanæ
causa evitare nequit, *tunc enim demum Medicus suas peregrin-*
partes,

a) Lib. de Fractura Crani Cap. XIII.

partes, dictatore Hippocrate, si omnia fecit, quæ artis sunt: tunc demum conscientiam suam liberavit, si nihil omisit, quod ægrum servare potuisset.

XCVII. Denique vero quia certum est Chirurgiam in Sanitatis negotio Chemiam longe antecellere, idcirco etiam illam maiori studio tractandam esse censeo; simulque fore confido, Medicinam brevi ad longe maiorem perfectionis gradum redactam iri, si Medici rationales, Anatomes reliquarumque Medicinæ partium notitia probe instructi, Chirurgiam diligentius, quam hactenus factum est, discerent atque exercerent.

COROLLARIA RESPONDENTIS.

I. *Institutum in Gallia non minus laudabile quam sequi sequiori utile, quod Chirurgis gravidarum & parturientium cura concedatur.*

II. *Nec dedecet nec indecorum est quod Viri parturientibus manuariam opem ferant. Contra Gallum quendam recentiore.*

III. *Per Chirurgiam interdum minus nubilus potest reddi nubilus, & sterilis fecunda.*

IV. *Fonticuli non sunt inutile ægrorum tormentum contra Helmontium.*

V. *Solum hominem calculo esse obnoxium nemo facile cum Aristotele affirmabit, qui quotidie ex brutis colligi videt talia coagula.*

VI. *Vti pluribus morbis ita inprimis in calculi vesicæ pathematibus unicum solatium ex Chirurgia relinquitur.*

VII. *Rudior mammarum contrectatio sæpe scirrbum & cancerum induxit.*

VIII. *In Venæ Sectionis operatione delectus venarum sæpe magni est momenti.*